

# ÅRSMELDING 2008

## SÆRFORBUND

Sunnfjord Kajakklubb er medlem av Norsk Padleforbund

## STYRE DETTE ÅRET HAR VORE:

Marius Langballe Dalin	(leiari)
Sissel Strømmen	(2. år)
Rune Berge	(kasserar) (2. år)
Leif Laache	(2. år)
Guttorm Kleppe	(1. år)
Brit Siv Fimland	(vara)

## MEDLEMSTAL

Samla medlemstal (betalande medlemmar) pr. 31.12.2008, var 94. Dette eitt medlem meir enn i fjar.

## MØTEAKTIVITET

Utanom årsmøtet (14. februar) har vi hatt fire styremøte. Årsfesten i bowlinghallen blei ein suksess i inneverande år som tidlegare.

## VIKTIGE SAKER

Ved årsskiftet 2007/2008 blei det kjøpt inn fleire nye kajakkar til havbasen. Vidare utover året har vi kjøpt inn 3 polokajakkar og utstyr og 2 elvekajakkar. Guttorm har jobba med å få naustet så ferdig som mogleg før fristen for ferdigstilling. Heimesida har vore rimeleg godt oppdatert i sesongen. Vi har følgd strandsaka og det er stadig nye innspill for å byggje ut stranda til industriføremål.

Elles så handlar det naturleg nok mykje om padleaktivitet. Trening og turar er viktige aktivitetar i klubben og dei som ynskjer det, har hatt tilbod om trening lokalt og ulike turar. Padlekurs har vi overlete til den einskilde veileder/aktivitetsleder.

## AKTIVITET I 2008

### Turar

#### Havpadling

I år har vi satsa på få reine klubbturar, og heller satsa på å henge oss på ulike turopplegg og samlingar arrangert av andre. Turaktiviteten har vore som fylgjer:

Vårsamlinga, Bulandet

Havpadlesymposiet på Sotra

Kajakkfestivalen i Flora

Konfirmantsamling på Nesholmen

Sandensøndagen

Tur til Little Færøy i samarbeid med Turlaget

Stormsamlinga

M. fl.

### Trening

Torsdagstreningane sto fast også i 2008. Varierande deltakartal, men dette er eit fast tilbod som fleire burde benytte seg av. Vi får mange positive tilbakemeldingar på dette tilbodet. I løpet av vinteren/våren hadde vi fleire bassengtreningar.

### Elv

Det har ikkje vore arrangert turar i klubbregi, men det er fleire enkeltmedlem som er aktive. Det er og nokre med høg kompetanse og det er ting i emning omkring meir organisert elveaktivitet. Klubben har sett fram tilbod om sponsing for dei som vil kurse seg i elvepadling og dette

tilbodet vil bli ført vidare.

#### **Polo**

Diverre har vi ikkje kome skikkeleg i gang med polotreningar. Vi vil forsøke å gjere det betre no når bassengtreningane kjem i gang i vinter/vår.

#### **Heimesida**

Styret meiner at vi har klart å halde sida rimeleg godt oppdatert. Skal vi få ho betre må vi få fleire tilbakemeldingar og ynskje fra medlemane.

#### **Naustet og kajakkane våre**

##### **Naustet**

Opphenga er på plass og gulvet er nesten ferdig lagt. Varmestova har vi ikkje fått laga til, men om dugnadsviljen er der kan vi få det til i 2009.

##### **Kajakkbasen**

Gutterm har fått solgt dei gamle kajakkane og vi har fått fornya havbasen. Klubben er godt nøgd med dei nye kajakkane. Vi har også kjøpt inn 3 polokajakkar og 2 elvekajakkar, samt årer, hjelmer og diverse utstyr.

#### **Kursaktivitet**

I år har vi overlete til den einskilde instruktør å stå for kursa.

#### **Samarbeid med Psykiatrisk klinikk (PK)**

Vi har framleis eit laust samarbeid med PK. Vi disponerer deira dobbelkajakk og dei kan nytte våre kajakkar i diverse opplegg.

#### **ØKONOMI**

Den økonomiske ståa i klubben er god. Viser til rekneskap og balanse ifrå kasseraren.

#### **UTSTYR**

Klubben rår pr. i dag over følgjande kajakkar:

2 Capella

4 Valley Aquanaut Club (nye)

1 Valley Nordkapp (ny)

1 Dagger Exodus m/ror (ny)

1 Nordkapp

1 Crosswind dobbelkajakk (utlånt av Psykiatrisk klinikk)

1 gamal glasfiber K2-kajakk

1 gamal flattvannskajakk

3 Eskimo Gecko (polokajakkar)

2 elvekajakkar

I tillegg kjem årar til hav, elv og polo, vester, hjelmer og trekk

#### SATSINGSOMRÅDE I 2008

Padling i form av trening og turar er sjølvsagt hovudføremålet med klubben, men for å få til dette på ein god måte, bør vi og legge vekt på følgjande:

- Komme i gang med kajakpolo
- Organisere elvepadlarane. Lage til turar, kurs etc.
- Bygge varmestove/skiftermøte i naustet
- Arrangere temakveldar (aktuelle tema: navigasjon & sjømannskap, sikkerheit & redning, reparasjon av kajakk, førstehjelp & livredning)
- Fylgje opp arbeidet med å prøve å stoppe utbygging av kai på stranda

Førde 08.01.2009  
Marius Langballe Dalin  
Leiar, Sunnfjord Kajakklubb